

晚晴簃詩匯

卷之三

卷之三

晚晴簃詩匯卷一百八十一目錄

謝光綺一首

陳文起一首

汪述祖一首

胡庭麟一首

魏履初一首

蔣蘭畲二首

完顏守典一首

李百盈一首

陳國順二首

瞿應紹五首

吳景延一首

鄭鵠四首

許寶雲五首

陶一鳴一首

汪錫濤二首

許愛堂一首

黃文珪一首

黃文瀚一首

董咸三首

邵曾鑑二首

黃協墳三首

何允孝三首

蔣國平

二首

汪淵

六首

黃瑞蓮

三首

徐步瀛

二首

萬方煦

三首

商寶慈

一首

胡睦琴

一首

李麟吉

一首

劉紹寬

四首

蔡燮昌

二首

陸惟燦

一首

褚成烈

一首

吳孚恩

二首

王朝清

一首

王西溥

二首

朱克柔

二首

張陶

一首

甘樹椿

三首

胡醇

四首

楊毓秀

三首

朱應庚

二首

傅壽萱

一首

李光炳

一首

曾紀元

一首

廖壽清 一首

宋士冕 一首

黎宗練 二首

李光漢 一首

鄧方 四首

林毓麟 一首

趙崧 二首

高銘彤 一首

故人一首
雨中即事一首
秋日雜感二首
秋夜感懷一首
秋曉感懷一首
秋曉感懷一首

晚晴簃詩匯卷一百八十一

徐世昌

謝光綺字方山宛平籍江陰人廣西候補道有蓬吟草

零陵至祁陽道中

湘江清見底盡日好風吹水派看三合山形望九疑小詩題石壁大字拓崖碑不分浯溪勝春陵獨有之

陳文起字振霞會稽人諸生厯官雲南知府

詩話陳氏昆季並有吏才振霞天性孝友接物誠摯幼隨其兄芥香大令文藻讀書京寓學作五言詩詠松有云甯爲貞士友不受大夫封見者決其有志節旣長能文書法歐柳嗣從諸暨蔣觀雲游遂屏棄詞翰究心當世之務往日本肄習法政譯書數十種爲世所稱歸國宦滇敏於治事辛亥後以隱市終遺橐無存止得一絕蓋居日本東京時所作也

書所見

榻旁鼾睡容難信畫裏登臨舊有情立馬吳山前事在神州回望淚縱橫

汪述祖字仁卿宜興人官浙江知縣

詩話仁卿事親讀書接物謙謹有舊家子弟之風天性孝友於詩見之入仕後仍力學不輟中年謝世所業未成至足惜也

呈彝青大兄

眾口稱坡頴文章弟愧兄知今才辨晰論古筆崢嶸家學淵源在親年喜懼并庭闈同眷戀餘事奮科名

胡庭麟字子振冀州人諸生有涵吾一室詩集

和王介甫陰山畫虎圖用元韻

邊城風勁嚴冬及厚坤凍裂鳶嘯急猛虎乘時肆吞噬擾人不得作人立暝目眴眴兩杯凸利爪怒搏石深入蹊身

妥居舌畊談腥風上厲星辰溼君侯作畫筆如刀物醜纖
巨胸中包世間描摹祇類狗始識君侯家法高君侯計慮
窮毛髮才橫更欲捷戎鞬身鬱奇能不見收想當下筆目
眡裂余自喜遭時泰然異類慄轡伏窮邊井里樂愷無苛
政學堂高大恣嬉眠不憶將軍射獵年

魏履初字用五南宮人諸生

詩話用五與黃錫齡春圃胡庭麟子振李諸謨備六
皆賀松坡門人擎經勵學作爲詩古文辭具有法度
擬黃山谷書磨崖碑後用元韻

金石歌詠傳涪溪鴻文雕鏤書之碑雨淋日炙字不減懸
崖石古藤盤絲明皇無語貴妃笑國忠作相胡作兒大駕
眾臣能爲獨立一呼梟獍竄疾雷百里馳王師天將昌唐
南巡百官走宮廟已墟烏欲栖太子卽位繼大統殺賊誓

李郭出宇宙吞吐虹蜺揮受俘策馬獻天子宗社重擎安
不危上皇歸來嗣皇喜中興載詠常武詩臣結稽首頌聖
武豐碑斗字鐫其詞穿鑿洪濛走風雨日月焜耀相追隨
我今對此不能去隔林遙聽鳴禽悲

蔣蘭菴字香農灤州人有壽雲堂詩集

通州道中

五里人家十里村微茫煙樹欲黃昏瀟瀟秋雨槐花路獨
策疲驢上薊門

登碣石

絕頂無人到天風浩浩間一杯小滄海萬點伏羣山白雪
昏連塞黃雲曉出關蓬萊落西極終古未能還

完顏守典字彝齋滿洲旗人杭州駐防諸生有逸園集

餘杭道中

夕陽紅渡水迢迢西望餘杭路尙遙借問前途向何處隔
溪人指女兒橋

李百盈字豐玉號荷浦城武人貢生有荷浦詩鈔

春暮晚眺

天低平楚夕陽明少女風微撲面生滿徑黃花迷蝶影一
塘新水壯蛙聲投巢鴉亂猶盤陣驅犧人來已罷耕歸路
微茫渾不辨林梢一抹暮煙平

陳國順原名樹田字硯農西平人有金水吟草

詩話硯農性孝友父歿廬墓三年日暮多雛鳥旁廬
棲宿盛夏不設帳終夜無蚊人以爲異與弟終身怡
間言

落葉

昨夜豐鐘報曉霜風前脫卻翠雲裳行蹤未敢忘溝壑根
幹還期作棟梁奉使蘇卿羈絕域遷官白傅謫潯陽黃沙
路遠須珍重枝上曾經棲鳳凰

一曲驪歌別故關天涯流落幾時還鴻尋舊爪迷前渡馬
踏寒聲過遠山白板小橋殘照下紅牆蕭寺暮雲間飄零
易觸金闕恨折損芙蓉鏡裏顏

瞿應紹字子治上海人諸生有月壺題畫詩

畫梅

纔把梅花寫離亭玉笛寒一枝君看取別後寄應難
江南燈市照花紅春酒梅花一笛風此去應消驢背雪看
山一路到雲中

畫竹

小院露霏微新篁掩短扉橫琴相對坐煙翠溼秋衣
蕭蕭颯颯半林秋欲寫風枝筆暫留何處一聲聲唧唧暗
蟲窺月上牆頭

雲衣欲卸碧天長清影高寒半出牆偷取月篩成粉本山
人畫譜滿迴廊

吳景延字讓卿江蘇華亭人諸生

婉變草堂懷古

一徑入崑麓煙樹鬱蒼蒼黃耳冢已沒白駒泉亦荒
碧雲深當年讀書堂知幾惜不早賈禍在文章徒令婉變
影高臺變淒涼荒邱莽叢樾古屋贊枯篁俯仰餘太息一
聲鶴唳長

鄭鴻字伯臣曲阜人諸生有懷雅堂詩存

讀漁洋山人詩集感懷雲圖賓石超羣諸先生皆漁

洋齋也

記得髫年學賦詩，錦秋湖畔得良師。
不知此日東堂下，可有梅花似昔時。

鴻生於新城二十歲始歸曲阜

舊事重思各黯然，酒場詩社已成煙。
歸來自惜恩恩甚，回首風光十七年。

鴻生於新城二十二歲

香海風流人已去，尙餘螺殼擅辭華。
淵源家學千秋繼，不愧詩名在杜家。

香海髮僧超峯師別號又雲溪師名茂苓有螺殼山房詩集數卷

司馬橋邊曾覓句，桓公臺下幾探春。
他年再訪花山路，惜少當時舊酒人。

新城縣治內有桓公戲馬臺

許寶雲字曉遲江蘇山陽人有足園遺稿

無題

金屏寂寂漏迢迢誰踏玻璃弄玉簫銀燭燒殘花影醉自拈紅豆破無聊

碧城煙雨曉來多花氣生寒夜有波惆悵玉樓人語悄月明愁聽采菱歌

罡風黑海渺難填慧業人天竟枉然羨煞嫦娥耐岑寂金蟾銀杵自年年

壺天風暖幾黃昏情重翻嫌夢有痕十二珠簾春似海人間何處覓崑崙

疊韻答周禮三并柬秦劍青丈

水瑟雲璈海上来詩懷特地爲君開未諳盧駱當時體已負周秦以後才溟渤何堪儕勺水岱宗料不薄纖埃昨宵夢落淮東寺曲徑花田徹夜猜

陶一鳴字伯雄江甯人諸生有運甓草堂詩鈔

晚過清涼山

斜陽遠照石城西一帶青山鳥亂唳零落古墳無客過晚
鷗飛上野棠梨

汪錫濤字秋軒青浦人諸生有秋軒詩橐

白燕

翩然宣至是耶非五色天書近代稀蕭瑟空梁泥漸落吉
祥虛室夢先歸素心誰與盟朱縷皓首何堪補白衣鐵冢
海庵遺蹟在春來好向故山飛

報本寺

山門綠樹若相迎一道紅牆隔水明小試龍團禪榻畔靜
聽鈴語答鐘聲

許愛堂字蓉裳海州人有補讀齋詩集

春日村居

溼雲濃霧壓村低
暝益花畦與菜畦
林角輭風雙燕語
柳陰斜日亂鶯囀
薦饑歲轉安耕耨
劫火灰消罷鼓鼙
何處人間無樂土
結茅擬近小橋西

黃文珪字星廬江甯籍婺源人有酒癡吟草

久雨初晴偕雲門四兄江樓小飲

江上蘆花白吟情又入秋連朝閒對雨八月冷披裘牛馬
呼名久乾坤放眼收不妨同嘯傲攜手一登樓

黃文瀚字師竹號瘦竹江甯籍婺源人有揖竹詞館詩

草

晨起